

增修
補註
正續歷代通鑑輯覽

高宗純皇帝

高宗純皇帝

〔辛未〕乾隆十六年春正月帝奉皇太后南巡二月至蘇州三月至杭州幸觀潮樓閱兵渡錢塘江祭禹陵還駐杭州閱兵駐蘇州遂至江寧渡江帝至蘇州見靈巖梅可合抱帝嘆賞不置時內大臣博爾奔察侍側拔刀作欲砍樹狀帝驚問對曰憾其不生於圓明園而使上跋江湖之險也帝知其諷已不懌者久之

大學士張允隨卒諡文和

賜已革駐藏大臣紀山自盡策楞等奏紀山在藏時令兵丁演戲時與珠爾默特宴會臨觀日在醉鄉並送珠爾默特八轎令轎夫前往教演番奴擡轎以肆其志帝責其喪心無恥曲意逢迎賜自盡

命原任大學士陳世瑄入閣辦事

夏四月帝渡河駐泰安府

裁廣東肇高學政兩廣總督陳大受等奏廣東通省向止設學政一員嗣

因士習囂陵雍正七年添設肇高學政今請照舊統設一員從之

五月帝還京師

以黃廷桂調補陝甘總督尹繼善調補兩江總督

授永貴浙江巡撫

停止知縣三年行取例

六月授保舉經學之吳鼎字尊彝江蘇金匱人梁錫璵字確軒山西介休人爲國子監司業先是詔

內外大臣薦舉經明行修之士嗣于所舉中核其名實允孚者得陳祖范

字亦韓自號見復江蘇常熟人吳鼎梁錫璵顧棟高字震滄又字復初江蘇無錫人四人帝命進呈箸述其在

京者卽由內閣引見至是授吳鼎梁錫璵爲國子監司業陳祖范顧棟高

以年老不能至京俱給國子監司業職銜棟高保舉經學不赴論給國子監司業銜職銜吏強昇之入部及召對復以老病不任

職辭帝許之曰憐卿年衰是以允令回籍頤養將來朕巡至江南尙可相見棟高曰上尙欲南巡耶帝默然旋放還山

秋八月調舒輅爲河南巡撫鄂昌爲江西巡撫以楊應琚爲甘肅巡撫莊有

恭爲江蘇巡撫

九月兩廣總督陳大受卒諡文肅大受爲方苞弟子嘗言歷事多而利害

明則受病卽在此苞嘆爲名言謂可爲庸庸者之藥石云

冬十月調陳宏謀爲湖南巡撫舒輅爲陝西巡撫

十二月禁苗人充補苗疆額兵

〔壬申〕十七年春二月舒輅卒以鍾音爲陝西巡撫

三月調陳宏謀爲福建巡撫以蔣炳爲河南巡撫

秋七月協辦大學士吏部尙書梁詩正

字養仲錢塘人

奏請終養允之以孫嘉淦爲

吏部尙書協辦大學士

初南巡時詩正父年八十帝特晉一品封典給假

留侍一月詩正奉太公迎駕吳江帝書湖山養福四大字賜其父至是陳

請乞養允之

雜谷土司蒼旺叛四川提督岳鍾琪討平之

雜谷土司蒼旺與梭磨土司

勒兒悟卓克基土司

二土司並在四川理番縣西

娘兒吉構釁聚兵攻毀梭卓各寨四川總

督策凌及提督岳鍾琪遣兵以剖斷三家曲直爲名乘虛奪維關直擣其

巢誅之番衆惴伏

秋九月召尹繼善來京以莊有恭署兩江總督

冬十月召鄂昌來京以鄂容安署江西巡撫楊應琚署山東巡撫

召阿思哈來京調定長爲山西巡撫以李錫泰爲廣西巡撫

〔癸酉〕十八年春正月命莊親王允祿履親王允禩和親王弘晝爲議政大臣。

二月磔江西撫州衛千總盧魯生並殺其子盧齡盧錫榮及南昌衛守備劉時達。先是十四年十月江督黃廷桂以該省紳耆士庶共望翠華臨幸入告帝大悅溫旨報可。廷桂盱衡厲色供張辦而督責過嚴屬吏苦之。時大學士孫嘉淦者當雍正初年以檢討上封事三曰親骨肉停捐納罷西征用是直聲震天下。至帝尤倚重之。凡所言無不納。魯生遂與時達等僞爲嘉淦諫止南巡疏橐累萬言指斥乘輿徧劾閣臣鄂爾泰張廷玉等傳播遠近。自十六年八月滇督碩色發其事窮治年餘至是始得真相。此案文武吏牽連獲罪者幾及千人蔓延至于七八省。

三月召永常來京以開泰署湖廣總督定長署貴州巡撫。

夏五月裁欽天監滿漢監副各一增西洋監副一。

冬十一月以鶴年爲廣東巡撫。

實授楊應琚山東巡撫。

十二月協辦大學士吏部尙書孫嘉淦卒諡文定。盧魯生之案帝命窮治。

其事而于孫嘉淦一無所問。嘉淦惶恐不自安。語人曰：「先帝及今上嘗戒我好名。今獨假我名。殆生平好名之累未盡有以致之。自此食不甘寢不瞑。益自務歛密。所朝夕獻替者莫得而聞焉。」既卒。帝謂近臣曰：「朝中少一正人矣。」歎息久之。孫嘉淦居恆以八約自誡。曰：「事君篤而不顯。與人共而不驕。勢避其所爭。事止于能去功藏于無名。言刪其無用。以守獨避人。以清費廉取。皆生平處也。」

命戶部尚書蔣溥

字質甫。常熟人。

協辦大學士。

〔甲戌〕十九年春三月。四川提督岳鍾琪討墊江。

今屬東川道。

匪卒于軍。予諡襄勤。

墊江奸民陳崑作亂。岳鍾琪力疾督勦。薨于資州。清州。今永寧道。資中縣。年六十九。

命弟鍾璜由廣西提督入四川代領其衆。雍正時鍾琪督川陝。季父超龍

提督湖廣。弟鍾璜提督廣西。子濬巡撫山東。兄子含奇總鎮兗州。一門列

戟。而鍾琪受主知尤篤。能以功名終。性嚴毅。每登壇將。弁股栗。部伍整肅。

無敢譁。遇敵謀定後戰。士卒疾苦必躬拊循。以故人爭效命。又有知人鑑。

同時傅爾丹爲大將軍。鍾琪過其帳。見壁上刀槊森然。傅曰：「此皆吾所素

習者。」故懸以勵衆。鍾琪頷之。出語人曰：「爲大將軍者不恃謀而恃勇。亡無

日矣。」已而傅果敗。

夏四月改成袞扎布爲喀爾喀副將軍以策楞爲定邊左副將軍

五月以厄魯特公巴圖孟克爲北路參贊大臣瑪什巴圖爲西路參贊大臣
調陳宏謀爲西安巡撫鍾音爲福建巡撫

召雅爾哈善來京調鄂樂舜爲浙江巡撫以鄂昌爲甘肅巡撫

六月以雅爾哈善署理戶部侍郎在軍機處行走帝以來年征準噶爾命

侍郎兆惠往歸化城辦運軍米故以雅爾哈善署理侍郎事并命北路派
兵三萬西路派兵二萬採買駝馬聽候出師及內扎薩克喀爾喀王貝勒
等整兵聽調

秋七月以塔勒瑪善扎勒杭阿爲北路參贊大臣

準部阿睦爾撒納內附封王阿睦爾撒納者故拉藏汗之孫丹衷之子而
策妄喇布坦之外孫也丹衷妻策妄之女先生子班珠爾而丹衷被戮復
有遺腹改適輝特部酋生阿睦爾撒納方策零死後次子那木扎爾嗣汗
位爲其女兒之夫所弑而立其庶兄喇嘛達爾扎欲誅阿睦爾撒納反爲
所襲殺而擁立準部同族台吉大策零之孫達瓦齊阿睦爾撒納恃功驕
恣達瓦齊欲誅之阿睦爾撒納遂與納默庫班珠爾二台吉共率所部兵

二千口二萬東奔叩關內附備言伊黎可取狀帝大喜以親王封之

八月將軍策楞尙善舒赫德俱革職效力贖罪以班第爲定邊左副將軍鄂容安爲參贊大臣阿睦爾撒納內附後策楞等奏請分駐其眷屬于戈壁以內留其爲首台吉及兵丁等于軍營以備遣用帝責其乖張繆戾非懷柔遠人之意俱革職效力贖罪沒其家產其子分別充軍監禁

命瑪什巴圖巴圖孟克赴西路軍營

九月定邊左副將軍班第襲烏梁海破之初策楞舒赫德得帝申飭之旨

將于十月內征勦烏梁海帝以其措置不合機宜命俟明年進兵及是班第以有機可乘因掩襲之收獲烏梁海二千餘戶及牲畜數萬帝嘉之旋以收服烏梁海功加貝勒青滾雜卜郡王銜公車布登扎布貝子銜

冬十一月封輝特台吉阿睦爾撒納爲親王訥默庫班爾俱郡王帝之窺準噶爾殆非一日自得阿睦爾撒納來歸之報帝詔議出兵可否羣臣懲博克托嶺之敗難之惟大學士傅恆力贊帝意帝遂往熱河以王公大臣陪阿睦爾撒納開歡迎宴行接見禮帝從容撫慰賜以乘馬互較騎射并以蒙語詢其變亂始末宴終而退至是又封阿爲親王及其二台吉爲郡

王以羈縻之

召班第來京以阿睦爾撒納暫署將軍額駙色布騰巴勒珠爾協辦

以輝特親王阿睦爾撒納爲北路參贊大臣杜爾伯特郡王訥默庫爲西路參贊大臣以將用兵準噶爾故也

〔乙亥〕二十年春二月詔興師征準噶爾以尙書班第爲定北將軍陝督永常爲定西將軍準部驍將瑪木特見諸台吉相踵內附必召大兵知準噶

爾事不可爲達瓦齊不可輔脫身來歸帝遂定議以二月分兩路出師班第爲定北將軍出北路阿睦爾撒納爲定邊左將軍副之額駙科爾沁親王色布騰巴勒珠爾郡王品級青滾雜卜內大臣瑪木特將軍阿蘭泰爲參贊永常爲定西將軍出西路薩喇爾爲定邊右將軍副之郡王班珠爾貝勒品級扎拉豐阿內大臣鄂安容爲參贊兩副將軍各帥前鋒三千先進將軍參贊繼之降人三車稜納默庫等皆以所部兵從兩路兵各二萬五千西路出巴里坤北路出烏里雅蘇臺各持二月糧會于博羅塔拉河

在伊犁東北

三月興文字獄殺湖南學政胡中藻賜鄂昌死初鄂爾泰張廷玉二人互

相齟齬朝官依附門戶者彼此攻訐浸成仇敵及帝微聞之漸生厭倦屢

引世宗朋黨論以戒之已而鄂爾泰既卒廷玉亦乞休而兩人門下之在

朝列者尙傾軋不已互目爲宵小至是而有胡中藻之詩獄胡中藻者故

鄂爾泰門生其所著堅磨生詩集中有記出西林謂鄂爾泰第一門之句又用

讒舌青蠅等語胡中藻詩有曰瑣沙偷射蟻蝨舌狠張箕又曰青蠅投吳背容辭又曰世事於今怕捉風隱斥廷玉而鄂爾泰姪

巡撫鄂昌頗援引世誼與中藻往復唱和時帝方深怒兩黨門戶之見積

久未除因欲借文字之獄懲一儆百乃挑剔中藻集中詩句指爲悖逆詆

毀之證中藻詩一把心腸論濁清帝謂其加濁字於國號之上又曰天所昭臨皆日月地無道里計西東諸公五嶽諸侯讀一百年來類首同帝謂其謂嶽嶺蒙羞類首無奈也又

以鄂昌本滿人而所作塞上吟乃稱蒙古爲胡兒沾染漢人習氣斥謂喪

心病狂先後逮問廷議坐中藻大逆律論磔詔改棄市以鄂昌負恩黨逆

賜死撤鄂爾泰出賢良祠其餘緣坐諸人悉得寬免自此獄興而告訐詩文之事紛紛然繼作陳鵬年游虎

邱作詩或奏其大逆不道幾致不免沈歸愚錄黑牡丹詩身後戮屍類此頗夥御史曹一士特疏論之略謂比年以來小人不識朝廷誅殛大懲之故往往挾睚眦之怨借影響之詞攻訐詩書指

摘字句有司見事生風多方窮鞫或致波累師生株連親故破家亡命甚可憫也臣愚以井田或建不過迂儒之常談不可以爲生今反古述懷詠史不過過詞臣之習態不可以爲援古刺今即或

序跋偶遺紀年亦或草茅一時失檢非必敢爲悖逆敢於明布篇章使以此類悉皆比附妖言罪當不赦將使天下告訐不休士子以文爲戒殊非國家義以正法仁以包蒙之意云云

夏四月致仕大學士張廷玉卒廷玉性孝友子姪戚黨列仕籍者數十人

補註月...金車...
皆約以禮法生平無聲色玩好之嗜退食泊然無所營時手一編安坐室中閱若無人僚友共事者閱數十輩平心接之多所容納人不見其有疾言遽色卒後仍命配享太廟予諡文和

調陳宏謀爲湖南巡撫以吳達善爲甘肅巡撫圖爾炳阿爲河南巡撫命翰林院侍講全魁編修周煌冊封琉國王尙穆

五月命黃廷桂爲武英殿大學士兼吏部尙書仍留四川總督任

定北將軍班第大破達瓦齊擒之阿睦爾撒納薩喇爾皆準部之渠帥建

纛先進各部落聞風而靡降者相繼遂以五月朔兩路軍會于博羅塔拉

河河距伊犁三百餘里達瓦齊素縱酒不設備至是倉卒急遣親信兩宰

桑出令箭徵兵而自率宿衛親兵萬人走保格登山在伊犁西北百八十里阻淖爲營

衆尙萬餘會班第軍中獲其徵兵之宰桑具悉國中解體狀士氣倍奮爭

渡伊犁河長驅追襲將及格登山夜遣降人阿玉錫等率二十餘騎往覘

道路阿玉錫卽乘夜突搗其營拍馬橫矛率纛大呼衆瓦解達瓦齊以二

千餘人宵遁餘皆不戰降黎明阿玉錫等遂收其衆七千餘還大營達瓦齊踰冰嶺南走回疆其下半途逃散僅餘百騎以烏什城阿奇伯木克霍

吉斯爲已所善投之而霍吉斯已得兩將軍檄卽執之以獻並獲前青海叛人羅卜藏丹津獻俘京師帝御午門樓受之皆赦其死論功行賞首獎大學士傅恆襄贊之功再加封一等公辭不受班第封一等誠勇公薩喇爾一等超勇公而阿睦爾撒納晉封雙親王食親王雙俸其後達瓦齊霍吉斯亦皆賜封親王郡王入旗籍

命尙書達爾黨阿協辦大學士事務

六月命四衛拉特照喀爾喀例每部落設盟長及副將軍一人

賞策楞都統銜駐巴里坤辦理事務

命和託輝特郡王青滾雜卜等管理新降烏梁海人戶

秋九月封噶勒藏多爾濟爲綽囉斯汗車凌爲杜爾伯特汗沙克多爾曼濟爲和碩特汗巴雅爾爲輝特汗

冬十月阿睦爾撒納叛將軍班第尙書鄂容安死之初準噶爾舊有四衛

拉特四衛拉特之分部各有其汗非有君臣之分也自綽羅斯渾台吉汗強盛伊犁始爲四部盟長抗衡中國者數世帝欲俟事定仍衆建而分其力而阿睦爾撒納欲爲四部總台吉專制西域當色卜騰之歸也私以己

意乞代奏期七月下旬俟命時班第鄂容安留伊犁籌善後而阿睦爾撒納輒隱以總汗自處擅誅殺擄掠擅調兵不服賜衣翎頂不用副將軍印

自用渾台吉菊形篆印又通諜其鄰哈薩克

今俄領中亞西亞境

及俄羅斯等自諱其

降但言率滿蒙之兵以平定準噶爾耳陰使哈薩克布魯特流言非已總

四部邊不得安將軍參贊以聞詔于軍中誅之毋濡忍貽後患而是時大

兵已撤留屯者僅五百人其餘皆厄魯特也班第等遂不敢發先是帝命

阿睦爾撒納九月至熱河行飲至禮班第以是趣之入覲欲就內地執之

令喀爾喀親王額林沁多爾濟督之偕行而阿睦爾撒納故與色卜騰有

成約度朝旨旦夕且下顧以班第趣之急不得已自伊犁起行惟沿途遷

延以俟後命至八月中旬阿睦爾撒納待命不下疑事中變固未料色卜

騰之隱忍不敢奏也反謀始由是決八月十九日行至烏倫古河

在今阿爾泰地

阿睦爾撒納設幕招額林沁飲酒數行起曰阿某非不臣但中國寡信今

入其境如驅牛羊入市大丈夫當自立安肯延頸受戮耶遂命呼酒者再

伏兵四起旌旗耀目擁阿出營而去瀕行徐解其副將軍印擲于額曰汝

持此還大皇帝可也遂據鞍馳去額林沁多爾濟瞠目視之無如之何

阿睦爾撒納行至烏倫古河，距其扎布堪河舊邊牧不遠，乃詭言暫歸治裝，遂由額爾齊斯河間道北遶，久之，額爾沁始悟其詐，急追之，已無及。扎布堪河，在烏里雅蘇臺西，今扎薩克圖汗境。

額爾齊斯河在阿爾泰北境。

是時阿睦爾撒納妻子及部衆皆駐牧扎布堪河，而厄魯特之

留屯伊犁者，又皆其黨也。阿睦爾撒納既叛，一方則遣使扎布堪河，迎其家屬一方，又號令伊犁諸厄魯特使並起爲亂。帝固疑其必反，已密諭烏里雅蘇軍營收其妻子，得不遣。而伊犁諸喇嘛宰桑聞阿睦爾撒納脫走，爭起應之。班第鄂容安薩拉爾率五百兵轉戰走二百餘里，至崆吉斯薩拉爾先遁，旋被擒。部兵盡潰。班第鄂容安自殺。定西將軍永常擁勁兵數千屯烏魯木齊附近。台吉宰桑數千咸投赴永常，不知驅策用之。反恐敵兵大至，自木壘南退軍巴里坤，移糧哈密。清直隸驛今爲縣屬新疆迪化道。故北路無聲援。阿黨益猖獗。帝命黜色卜騰爵發軍前效力，賜額爾沁死，並逮永常治罪。以策楞代之。永常道死。又命玉保富德達爾黨阿爲參贊。

十一月調鄂樂舜爲山東巡撫，以高晉爲安徽巡撫。

〔丙子〕二十一年春正月，命舒赫德協同將軍成袞扎布駐烏里雅蘇臺，致仕大學士阿克敦卒，諡文勤。

二月，將軍策楞復伊犁。策凌玉保率軍至吐魯番，薩喇爾自伊犁脫身來。

迎玉保遂率所部長驅而西伊犁盡復阿睦爾撒納遁去

實授碩色湖廣總督郭一裕雲南巡撫

調愛必達爲山東巡撫以恆文爲雲貴總督明德爲山西巡撫

夏四月命陝甘總督黃廷桂赴巴里坤嗣又命赴寧夏會同厄魯特貝勒

羅卜藏多爾濟接濟喀爾喀馬匹

命戶部尙書阿里袞

姓鈕祜祿氏滿洲鑲黃旗人

軍機處行走

五月命尙書阿里袞副都統銜公明瑞

字筠亭姓富察氏滿洲鑲黃旗人

往軍營在領隊大臣

上行走

褫策楞玉保職玉保引軍至特克勒河探知阿睦爾撒納僅距一程急進

可追及忽有報台吉諾爾布已禽阿逆來獻者玉保遂駐軍待之先以紅

旗報捷于策楞策楞據以入奏不知報禽賊者卽阿睦爾撒納所遣以緩

師也二月兵出伊犁阿逆遁入哈薩克將軍參贊互相咎託言馬力竭頓

師伊犁不進帝以二人非任事才乃命達爾黨阿哈達哈代之兼命兆惠

字和甫姓和佳氏滿洲正黃旗人 自巴里坤赴援

秋七月定革職無餘罪人員概準捐復例

八月和托輝特部郡王青滾雜卜叛

初見路郵驛皆由喀爾喀各部應役

自用兵以來軍報絡繹需人馬頗多青滾雜卜苦之遂撤其所設臺又以額林沁多爾濟之賜死謂我喀爾喀本成吉斯汗之子孫例不治罪以此散流言衆喀爾喀惑之郵臺撤者無慮十餘所文報中斷詔以成袞扎布爲定邊左副將軍發兵剿捕又命尙書納延泰侍郎阿桂

字廣延姓章佳氏滿洲正白旗人

等助之各臺得次第復設

冬十一月命侍郎裘日修赴西路軍營日修面奏軍務機宜帝大悅卽賜御衣冠命乘傳赴巴里坤治事會敵酋莽里克遣弟某詭稱押送諸番探信卡倫日修與哈密總兵祖雲龍縛昇總督發其奸哈密兵少有赴巴里坤種地者七百人日修請暫留爲衛而發麥以餉之帝皆獎許

以博勒奔察爲內大臣同侍衛順德訥赴巴里坤軍營

命甘肅巡撫吳達善赴巴里坤督辦軍需

十二月諭達爾黨阿不必協辦大學士刑部尙書鄂彌達著協辦大學士

青滾雜卜被擒伏誅

青滾雜卜叛後逃往齊斯吉特成袞扎布遣納穆扎

爾率兵追擒至是追至杭哈獎噶斯

與俄羅斯交界處

獲之自成袞扎布以下恩賞

封爵有差

〔丁丑〕二十二年春正月以莽古賽爲參贊大臣赴北路軍營哈達哈爲參贊大臣駐科布多

杜爾特親王伯什阿噶什卒伯什阿噶什無子以其兄子達巴都噶爾達

瓦濟特俱授爲扎薩克

帝奉皇太后南巡二月幸蘇州杭州此帝二次南巡也

綽羅斯特輝特等部叛阿睦爾撒納自哈薩克歸準部復大亂將軍兆惠率兵剿之達爾黨阿自代策楞領兵由西路擊敗哈薩克二千人阿睦爾撒納易服潛遁幾追及相隔一谷僅二三里倉猝不及馳載乃使哈薩克人來言卽欲禽獻但需其汗至乞暫緩師待達爾黨阿信之遂下令駐軍阿睦爾撒納旋復颺去哈達哈出北路遇阿布賽兵千餘于巴顏山不迎擊從征降人宰桑見兩將軍見賣無能皆輕之綽羅斯特輝特二部及哈薩克先叛都統和起被誘殲焉阿睦爾撒納聞四部構亂自哈薩克歸會諸部于博羅塔拉河欲自立爲汗準部復大擾策楞玉保方被逮入京亦中道遇害時定邊右副將軍兆惠以千五百兵駐防伊犁聞變自濟爾噶朗